



Walagwenad gi bengubimalad
e ABC

TE TRIBUNAL
ELECTORAL
LA PATRIA LA HACEMOS TODOS

**WALAGWENAD GI BENGUBIMALAD
E SABBGA**

SUNMAGGLENAID

| | | Ga-mar |
|------|---------------------------------|--------|
| I. | Igar onoded | 3 |
| II. | Manimar urbilegohed | 6 |
| III. | Goho burba narmaggaled amihed | 6 |
| IV | Mani bulaled uggleged | 10 |
| V | Wilub nigga mani oelegohed | 11 |
| VI | Ibmar ugglemalad arbalegohed ga | 12 |
| VII | Egwaleged nuggi bendaggleged | 14 |
| VIII | Egwaleged gi arbaleged | 15 |

I. IGAR ONODED

1. ¿Igi an imaggohe, nabir sulegega, walagwenad gi bengubi an guhalir, goho burbamar narmaggaled amihega?

A/. We sabbgamar, be oyogohe, Egwahed Galu (T. E.) ga:

a. Be nuga, geb be cedula. Be sorbalid ga gunahid degi mo.

b. Be gudiguhad neg, be arbahed, be esnon dub ba goled (teléfono), geb, be sabbga odoleged nug (correo electrónico). Be sorbalid ga gunahid degi mo.

c. Ibi gan bina be sognahi, geb bihali?

d. Soged abelege, igarmar maimalad ba an gunahi ye. Igi isedmar narmaggar mamai, igarmar 178, 180, 192 geb 193 gi. We igarmar sabbin dummad (presidente de la Republica) gin di, ebulego suli.

e. Walagwenad nug gi, dule sunmaggohed e sabbgamar (nuga, cedula, geb e gudiguhad neg).

f. Sordamar bendaggmalohed e nugmar, goho burba narmaggaled amihed gi arbaled dibe.

We sordamar odurdagglemalohe, igi goho burba narmaggaled gi arbalege.

g. Be sulebihed gi, dulemar egwamalad mili addar nigga dibe, mani saboleged galu gi, mani urber gebe, geb Egwahed Galu (T. E.) gala, bergwable ogwaohe. Dule, we mani gi naggulegohed abelege, dule, mani burba gi nerguhaled.

Bia be sulebihed gi, dulemar egwamalad mili addar agguhar nigga sun dibe, a dina mani saboleged galu gi, e mani urbe sulir, aggar suli. Unni Egwahed Galu (T. E.), sabbgamar be ga uggohe, be enogega, bengubi be gunahir. Nue be

- bengudsun dibe, a dina sabbga dummad, be ga ugglegohe , be mani ubogohed, geb ebulegohed, nue selege ga.
- h. Ibu iba gi sabbga enolenahi, geb e goho burba narmaggar mesbalohe. E sorbalid degi mo.
- i. Sabbga, be san burba gi sunmaggnaid (hoja de vida), geb sabbga, be arbabihed gi sunmaggnaid.

2. ¿Sabbgamar, bia an oyogohe, geb sanad se goho burba narmaggaled an amidohe?

A/. Sabbgamar, oyolegohe, Egwahed Galu ilemaggsid se (Dirección de Organización Electoral).

Sabbin dummad (Presidente de la República) gad; Egwahed Galu dummad se (Dirección Nacional).

Baigan dina Egwahed Galumar senigana buggwamalad se, be waliggagwad.

Goho burba narmaggaled amihed e iba berguhohe, yola nii iba addaled gi e birga mili boho gagga ambe gagga bagge bag gi (5 de enero de 2019). Gwahe Goho burba narmaggaled, amihed, abelege, baigan bengumalohed sorba melle, mellege ga.

Ar yaugg nii iba addaled gi e birga mili boho gagga ambe gagga bagge bag gi. (5 de mayo de 2019), unni dulemar e baha sulenoniggohe, bur melubaha goho burba narmaggaled amimalohed.

3. ¿Ibabigwad gi, Egwahed Galu ilemaggsid, sabbgamar oyolemalohed abinsaohe?

A/ Egwahed Galu ilemaggsid e dummad, iba baha, sabbgamar gi naggulegohe. Sabbgamar nueganbi dibe, dule bengubihed ga, ganguhed ugglegohe, nabir, goho burba narmaggaled amihed gi arbade ga.

4. ¿Igi gubalohe sabbga soggwen, agguhar uggles dibe?

A/. Iba addar e ga ugglegohe, nabir sabbga agguhar uggasad odoge ga. Iba addaled obinde sun dibe, gannar sabbga gwabbid enogega egisohe.

5. ¿Ibu abelege, nabir walagwenad gi an bengubi guhalir?

A/. Wemar:

Sabbin Dummad (Presidente): Panamador; dule birga durgwen gagga ambe gagga addar niggad, (35 años); birga addar gus, e nug gi issaggwa sunmaggledi sulid.

Sabbin Dummad (Diputado): Panamador o dule birga ambe gagga addar (15 años) Panama gi yoggus gudid; dule birga durgwen gagga gwensag niggad, (21 años); birga addar gus, e nug gi issaggwa sunmaggledi sulid; birga gwen gus, gudiguhad e sulebihed neggwebur gi.

Sabbin Dummad (Alcalde, Representante y Concejal): Panamador o dule birga ambe (10 años) Panama gi yoggus gudid; dule birga ambe gagga bahabag niggad, (18 años); birga addar gus, e nug gi issaggwa sunmaggledi sulid; birga gwen gus, gudiguhad e sulebihed neggwebur gi.

6. ¿Egwahed Galu, sana an odogohe, nabir Walagwenad gi an bengumoga ga?

A/. Walagwenad gi bengubimalad, odolemalohe, e sabbgamar gwable nueganbi dibe, geb, goho burba narmaggaled imaggleged e sabbgamar e ga uggles dibe.

II. Manimar urbilegohed, geb igi selegohe

7. ¿Igid mani urbileged an abegohe, nabir an nued gi arbahe ga?

A/. Bursur mani seleged be egaohe, mani urbileged galu gi. Be nug mesohe, geb sabbga gi nasigglegohe “cuenta única de campaña proceso electoral 2019-cargo_____”.

8. ¿Igi an imaggohe, an ga mani urbileged galu, an arbabihed e mani, aggwebisulir?

A/. Egwahed Galu, Mani urbileged galu e bo igar amisbinne. Melle boni nigga gunai guhega.

9. ¿Sabbin dummagan (Diputados) Parlacen gad, arbabihed e mani urbed abelegohe, mani urbileged galu gi?

A/. Eye, Sabbin dummagan Parlacen gad bengumalohed, e mani urbed abelegohe, mani urbileged galu gi, Egwahed Galu e gi naggulege ga, e manimar biarmala daggledago dibe.

III. Goho burba narmaggaled amihed

10. ¿Sana goho burba narmaggaled an amidohe?

A/. Bemar, odurdagglesmalar, igi we ibmar gi arbalege. Nii ili bali, Egwahed Galu se, sabbga be ga ugglegohed, oyonadab, oyonadab, imagglegohe, igid goho burbamar narmaggarmalad nuegana.

11. ¿Sana sabbgamar ugglegohe, geb doa sordamar odurdaggbalohe?

A/. Sabbgamar ugglegohe, bengubimalad ga, Egwahed Galu, e burba uggsar, geb e sordamar odurdagglesmalar.

Centro de Estudios Democráticos (CED)
e bo be idaggohe, sordamar odurdagge ga.

12. ¿Nabir sabbgamar an egise Egwahed Galumar senigana buggwamalad se, Sabbin dummad (presidente) e gan bina, an bengubiher?

A/. Suli. Sabbgamar unni egislege Egwahed galu dummad sid gi.

Degin inigwen, dule bengubihed ga, nabir Egwahed galu senigana, goho burba narmaggeged e sabbga e ga egahar mese.

13. ¿ Inso nabiri, an bengubihed ga sulenoni dibe, Egwahed galu, anmar ga sabbgamar uggohe iddoged irgwen wilub?

A/. Nabiri. Degin inigwen, igarmar maimalad ba arbahed abelegehe. Degi sulir, boni aminahi gumalohe, Egwahed galu e bo.

14. ¿Nabir goho burba narmaggaled imaggeged e sabbgamar, yogasahar meslege, sabogega, an aya wargwen neg gin dibe?

A/. Nabir meslege, sabolegega, unni abelege, dule odurdagglesad e neg gi saboleged.

15. ¿Bengubihed e sabbga gi, nabir goho burba narmagge, dule, danaledba dogar naid?

A/ Eye, nabir imaggohe. Imaggsa sun dibe, danaleb ba dogar naid, obelolego suli.

16. Dule, danaledba dogar sun dibe, geb an ba e goho burba mesnoni sun dibe, ¿obelolegohe danaled gi dogar naid?

A/. Suli. Danaled ba naid, obelolego suli. Geb e ga boni dagglego sur bali.

17. ¿Nabir bengubimalad e sabbgamar baid baid gi, dule wargwen e goho burba mese mese imagge? ¿Igi Egwahed galu magasahar daggohe, geb igid goho burba narmaggaled sulenoniggohe?

A/. Suli, geg guhe. Egwahed galu, nii ila ba, we sabbgamar gi naggulegohe. Degi dagglehar sun dibe, gebe sagla igid goho burba insale mesilesa, a bur sulegohe.

18. ¿Igi nabir wisgulegohe, igid goho burba narmaggaled insa mesilesa?

A/. Nabir wisgulege gala, goho burba narmaggaled diggarba, iba naid gi dagglegohe. Iba bur sered naid, sulegohe. Degi gus dibe Egwahed galu yog owisohar imagge abelegohe.

19. Dule, e goho burba iduhar narmaggasa sun dibe, baid bengubigunaid ba, ¿nabir obeloge?, an sabbga gi e goho burba mese ga.

A/. Nabir obeloge. Degin inigwen, birga gwen abiddoger gebe, be ba e goho burba mese ga.

20. Goho burba narmaggaled merguhed egislenaid, an unni gus sun dibe, ¿igi gubalohe?

A/. Be unni gus sun dibe, anba amihed abelege, ¿ibigala? Ar ibagan omononi dibe unni dulemar bengubimalad e baha sulegohe, doamar bur melubaha, goho burba narmaggaled aminoniggo dibe.

21. ¿Igi sulegohe bengumalohed, bengubi gunanaimalad, sordamar merguhed emar aminonimalar?

A/. Sordamar merguhed, emar aminonimalar, doa, bengubigunahid insa we merguhed se warmaggnoniggi. A dule sulegohe.

22. ¿Goho burba narmaggaled, porciento ambe gus an amigus sun dibe, nabir anba an amiohe?

A/. Eye, nabir anba be amiohe, degi sulir gwenadgan baigan bengubi gunanahid be gi obinnoniggohe.

23. Egwahed galu, goho burba narmagglesmalad, ilemaggar sun dibe, ¿egwahar imaggohe?, danarmalad gi dogarmalad, geb, goho burba narmaggsamalad bo.

A/. Suli. Goho burba narmagglemalohed ber gwable emarbi guohe.

24. ¿Egwahed galu, e galumar senigana gi, goho burba narmaggleged e sabbgamar niggaohé?

A/. Eye. Gwable e galu buggwamalad gi sabbgamar anbaguhohe. Unni abelegohe, dule sabbga abeged, iba ambe, abegohed idu, egised.

25. Walagwenad gi bengubihed, ¿nabir benguhohé Sabbin dummad (Diputado) gan bina, Parlamento Centroamericano gi sigega?

A/. Eye, nabir bengumala, unni abelege e sabbgamar odoged, goho burba narmaggaled amihed gi arbader e sabbga yog odohar imagged. Degi sulir abingalego suli.

26. Panamador e neggamba diggasurgus yoggus maid, ¿nabir e goho burba narmaggaled mesmoga? Dule bengubi gunahid ba.

A/ Eye, nabir imatge. E nug narmaggar mair gebe, Egwahed sabbga gi, bia dule bengubihed gwebur walig. Unni Sabbin dummad (presidente) barbi imaggohe.

27. ¿Bengubihed (precandidato), nabir e sordamar nug ogwahe?

A/. Eye. Nabir be sordamar be bali gormaggnanaimalad e nugmar ogwalege. Sunna, be imagge o dule be nug gi arbanahid dibe. We ogwaleged, egwaleged ilemaggsid gi ogwalege. Sordamar binigan e nug be uggohed odurdagglebalohe, goho burba narmaggaled e sabbgamar ugglemalohed idu.

28. ¿Sanad gi, Egwahed galu gi, dule arbahed, nabir goho burba narmaggaled amimogohe?

A/. E arbahed gi nosad sorba. Nabir sunna amibali nii gwen obunnodid gi, geb obunnoged iba e gad buggwad gi.

IV. Mani bulaled uggleged igar

29. ¿Bengubihed nug gi, igi mani an ga ugglegohe, geb, sana an ga ugglebalohe?

A/. Bengubimalad ga, mani bulaled uglego suli. unni e wala baha sordamar melubaha aminonimalohed ga. Egwahed Galu irgwen uggar imaggohe, iba ambe gagga addaled gi.

Mani bulaled ugglegohed, mimilegohe, por ciento soga baha abala (3.5%) wilub, mani millón dula boho gagga ambe wilub (estimado en 50 millones). Ise iddohar imagglegohe. Igi merguhe, bergwable sordamar e goho burba narmaggsa daggedagohe. Geb igi nononiggo dibe, a geb iddolegohe e sordamar warwargwen amisad wilub. We igar ilemaglegohe, yola nii gi, e birga mili boho gagga ambe gagga baggebag gi (enero de 2019).

30. ¿Igi imagglegohe, dule benguohe, e ga mani bulaled ugglesad sorba, bar an benguhó sur ye soggalir?

A/. E ga mani bulaled ugglesad, nii wargwen gi gannar Egwahed galu ga uggohe. Nii wargwen gi, mani uggsa sur dibe, Egwahed Galu, Contraloría galu ga uggohe, e gi arbalege ga, nabir gannar mani amilege ga.

31. ¿Dule benguohe, e ga, mani bulaled uggles dibe, unni, a mani gin bi arbahohe?. We mani, wilub nigga oelegohed ba, odolegohe?

A/. Mani bulaled ugglegohed, bengumalohed ga, walagwengi o danaledbar dibe, mani wilub nigga oelegohed ba odolego suli. Unni e mani o mani e ga diggarba uglemalohedmar bi, wilub nigga oemalohe.

V. Wilub nigga mani oelegohe, arbalegohed gi

32. ¿Bengubimalad, wilub nigga mani oemalohe e arbahohed gi?

A/. Gebe goho burba amidohed gi, geb benguohe ga sulenoniggir, unni, suid bagge (B/.2.00), mani oegohe, sorda wargwen wilub.

33. ¿Ibmar ugglemalad, mani wilub nigga oelegohed ba, odolegohe?

A/. Eye. Ibmar ugglemalohed, mani wilub nigga oelegohed ba odolegohe. Bengubihed e mani degi mo, geb, dulemar baigan e ga mani uggohed amba mo.

34. ¿Ib durbaha gi, bengumalohed, igi mani wilub oemalohe, e arbaohed gi?

A/. Mani, emarbi oemalohe. Walagwenad gi benguhó dibe, o danaled ba benguhó dibe; geb unni aggar gunoniggohe, ibi gan bina sognahi dibe.

Sabbin dummad (presidente) e gan binar dibe unni mani oegohe, millón ambe se (B/10,000,000.00).

Sabbin dummad (diputado) e gan binar dibe, mani oegohe, olo mani mili dula addaled ila nergwa se (B/. 300,000.00).

Sabbin dummad (diputado) Parlacen e gan binar dibe, mani oegohe a di, olo mani mili ambe se (B/.10,000.00).

Sabbin dummad (alcalde) e gan binar dibe, mani oegohe, olo mani mili ambe gagga addaled se (B/. 15,000.00).

Sabbin dummad (representante) e gan binar dibe, mani oegohe, olo mani mili dula addaled ila baha se (B/. 150,000.00).

35. ¿Bengumalohed, igi mani oemalohe e arbaohed gi sunmagged, onasguhega?

A/. Bengumalohed, mani oemalohe e arbaohed gi sunmagged onasguhega, e ga mani wilub uggleghed, por ciento durgwen gagga ambe se (30%).

Sabbin dummad (presidenciales) gan bina sogmalad walagwenad gi bengubimalad dina e arbaohed gi sunmagged onasguhega, unni suid bagge (B/. 2.00) e sorda wargwen wilub, mani oegohe.

VI. Ibmar ugglemalad, arbaleghed ga

36. ¿Igi wilub se, nabir an ga ibmar ugglegohe?

A/. ibi gan bina be sognahi dibe.

Sabbin dummad (presidente) e gan bina be sognahi dibe, nabir ibmar be abingaohe olo mani mili dula addaled ila nergwa (B/. 300,000.00) wilub. Por ciento ila baha (3%), nohe. Millón ambe gi iddoleger. Ganmar baigan gad dina, por ciento dula gwen gagga addaled (25%) wilub.

37. ¿Igi iddolegohe mani ga obinnie ga, an ga ibmarmar ugglemalohed?

A/. ibmar be ga ugges dibe, bagglesad e sabbga be oyogohe. A ba daggar e mani nug iddolemai guhohe. Ibmar bagglesad e sabbga sadde sun dibe, e ugglemalad se, gargeguhed amilegohe.

38. ¿Egwahed galu, wisolemai salegohe, ibmar ugglemaid irba, mani ugglemaid yob?

A/. Eye. Bergwable, mani be ga ubomaid Egwahed galu owisolegohe.

39. ¿igi imagglegohe, dule Egwahed galu ga e mani ubomaid geb e mani ebulemaid owisosur dibe?

A/. Dule Egwahed galu owisosur dibe e gi mani mili nergwa (B/3,000.00) argwanohe. We mani bennuggsur dibe, iba mili gwen gagga dula addaled iladdar (1,500 días) wilub, galegohe. A uggi, dule bengunahid, mani wilub oegohenad obinnoni sun dibe, mani egi argwan balohe, mani obinnsad ila boho wilub. Bennuggsur dibe, galegohe. Iba gwen suid bagge gi e ga iddolegohe. Geb nabir naggwis sun dibe, galaggusad ga imagglegohe.

40. ¿Walagwenad gi bengubimalad, nabir dule baid e mani abingaohe?

A/. Eye. Nabir dule baid e mani abingaohe.

41. ¿Walagwenad gi bengubimalad, nabir dule baid e mani, mani urbileged galu gi aggwesid e ga obane, Panamá mani urbileged galu se?

A/. Eye. Nabir e ga ogwalege. Degin inigwen dule mani ogwanahid, e nug soked abelegohe.

42. ¿Bengubimalad, geb bengumalohed, dule e ga mani uggbi dibe, e sunnad ugged abelege o dule baid ga sunna urmagge?

A/. Dule e mani uggbi dibe e sunnad ugged abelege.

43. ¿Bengubimalad, o bengumalohed, nabir e sabbga web gi, mani egised nasigge?

A/. Suli geg guhe.

Belab, we igar narmaggar mai suli. Dule e ga mani uggbi dibe, e sunnad e ga uggohe.

44. ¿Dulemar wargwen gi e mani uggmalohed, e mani nuggi, e gi mani galegohe?

A/. Manimar ugglemalohed, mili ambe se, birga gi, e gi mani galego suli.

VII. Egwaleged nuggi bendaggleged

45. ¿Bengubimalad geb bengumalohed, bendaggleged niggudohe, Egwahed Galu nug gi? ¿Sana niggudohe, geb sanad se e ibe bergunoniggohe?

A/. Eye. Bendaggleged niggumalohe. Egwahed galu e ga burba uggnoniggr goho burba narmaggaled amihed gi arbad dibe. Geb bergunoniggohe dulemar war baha bengumalohed, naggwe nonimalar. Iba ambe gagga addaled sorba.

46. ¿Sana dulemar galu dummagan gi arbamalad, bengubimar mogad, aibanmalar gebe, nabir walagwenad gi, bengunai gumoga ga?

A/. Dulemar galu dummagan gi arbamalad, nabir walagwenad gi bengumoga gala, nii wala nergwa egwahed iba nabbid idu, aibaner gwebe e arbahed gi. O Egwahed Galu se e sabbgamar odononi dibe, nabir goho burba narmaggaled amihega.

47. ¿Gusgu an mani buggwad, mani urbileged galu gi, nabir an ebugohe?

A/. Eye nabir be ebugohe. Unni e nug bi ogwalegohe. We yob be nasiggohe cuenta única de campaña, proceso electoral año 2019 – cargo _____; be mani melubasahar buggwa sun dibe, onoged be abelegohe, melle, be arbabi gunahid ba, abure ga.

VIII. Egwaleged gi arbaleged

48. ¿Dule Bengubihed, geb e sordamar o sordamar wisoged gi arbamalah, nabir wisoged sunmaggaled galu, dalaobinnied galu, wisoged narmaggaled galu, geb wisoged galu baigan se, sunna arbalehid gi, sunmaggah, nabir bendaggeged egise ga, geb nabir sordamar omergu bali ga?

A/. Danarmalah sordamar amihed, geb goho burba narmaggaled amimalad annig sogle suli e arbanahid onasguhed gi sunmaggahimay ye. Geg sunmaggalege doa dule arbabi gunahid gi. E nug obarilego suli, bia e ga igar iddolebihe. Ise, wegimalad gi sunmaggalege.

49. ¿Sana walagwenad gi Bengubihed, nabir e arbabihed ba sunmaggadohe?

A/. walagwenad gi benguhega sulenoniggir. Geb ib durbaha egwahed iba idu.

50. ¿E wala baha bengumalohed sulenonimar dibe, Sabbin dummah (presidente) gan bina benguhega; Wemar nabir, addomala? egwahed bular image ga.

A/. Suli, geg guhe.

Dule benguhohed, baid benguhohed e sorbalid ga nabi guharsun dibe, e benguhohed gi noher gebe, nabir baid ba arbahe ga.

Degin inigwale, dule walagwen benguhohed, nabir danaled o danarmalah ba addoge. Walagwenad gi bengunahid gi, obelolego suli.

